

Конда́к 1

Избра́нный чудотво́рче и предивный уго́днице Христо́в, ско́рый помо́щнице и моли́твеннице на́ш, преподо́бне о́тче Серафа́име! Велича́юще просла́вльшаго тя Го́спода, воспева́ем ти похва́льная. Ты́ же, я́ко имéяй ве́лие дерзнове́ние ко Го́споду, от вся́ких на́с бе́д свободи́, зову́щих:

Ра́дуйся, преподо́бне Серафа́име, Сара́вский чудотво́рче.

И́кос 1

А́нгелов Творе́ц избра́ тя изнача́ла, да просла́виши жити́ем твои́м пречу́дное и́мя Святы́я Тро́ицы: яви́лся бо еси́ вои́стинну а́нгел на земли́ и во плóти серафа́им; я́ко лу́ч пресвётлый Вéчнаго Со́лнца Пра́вды, просвети́ся жити́е твоё. Мы́ же, зря́ще прехва́льные труды́ тво́я, с благоговéнием и ра́достью глаго́лем ти сицевáя:

Ра́дуйся, пра́вило ве́ры и благоче́стия; ра́дуйся, о́бразе крóтости и смире́ния.

Ра́дуйся, пресла́вное ве́рных велича́ние; ра́дуйся, прети́хое ско́рбным утешéние.

Ра́дуйся, прелюби́мое ино́ков похвалéние; ра́дуйся, живу́щим в ми́ре предивное помо́жение.

Ра́дуйся, Росси́йския держа́вы сла́во и огражде́ние; ра́дуйся, тамбо́вския страны́ свяще́нное украше́ние.

Ра́дуйся, преподо́бне Серафа́име, Сара́вский чудотво́рче.

Конда́к 2

Ви́дящи ма́ти тво́я, преподо́бне о́тче Серафа́име, тёплую любóвь твою́ ко ино́ческому жити́ю, позна́ святую́ во́лю Госпо́дню о тебе́, и Бо́гу, я́ко да́р соверше́н принося́щи, благослови́ тя на те́сный пу́ть ино́ческий святы́м кресто́м свои́м, егóже до конца́ жити́я твоего́ на пёрсех носил еси́, зна́менуя ве́лию любóвь твою́ к распéншемуся за ны́ Христу́ Бо́гу на́шему, Ему́же вси́ со умилéнием зове́м: Аллилу́иа.

И́кос 2

Разум небесный тебе даровая, святче Божий: от юности твоя не престаи помышляти о Небесном, оставил еси дом отчий Царствия Божия ради и правды Его. Сего ради прими от нас похвалы сия:

Радуйся, града Курска чадо богоизбранное; радуйся, родителей благочестивых отрасли пречестная.

Радуйся, добродетели матери твоей унаследивый; радуйся, благочестию и молитве ею наученный.

Радуйся, на подвиги от матери крестом благословенный; радуйся, благословение сие яко святыню до смерти соблюды.

Радуйся, любви ради Господа дом отеческий оставивый; радуйся, вся красная мира сего ни во что же вменивший.

Радуйся, преподобне Серафиме, Саровский чудотворче.

Кондак 3

Сила Вышняго от юности твоя воистинну храняше тя, преподобне: с высоты бо храма спадша сохрани ты Господь невреденна, и страждущу ти люте Самая Владычица мира явися, с Небес исцеление принеши, зане измлада верно служил еси Богу, выну зывая Ему: Аллилуиа.

Икос 3

Имея тщание о подвиге иноческого равноангельного жития, во град святыи Киев поклонения ради преподобным Печерским притекл еси, и от уст преподобнаго Досифея повеление приим в пустыню Саровскую путь свой управити, верою издалеча облобызал еси место святое сие, и тамо вселився житие твое богоугодное скончал еси. Мы же, дивящиеся таковому о тебе Божию промыслению, со умилением вопием ти:

Радуйся, мирския суеты отрешивыйся; радуйся, Небеснаго Отчества пламенне возжелавый.

Радуйся, Христа всем сердцем возлюбивый; радуйся, благое его Христово на себе восприимый.

Рáдуйся, совершénнаго послушáния испóлненный; рáдуйся, святýх заповедей Госпóдных блюстителю вérный.

Рáдуйся, ум тво́й и сéрдце в Бóже моли́твенно утверди́вый; рáдуйся, стóлпе благоче́стия непоколебимый.

Рáдуйся, преподо́бне Серафíме, Сарóвский чудотво́рче.

Конда́к 4

Бу́рю злы́х напа́стей утиша́я, прошéл еси́ вéсь пúть тéсный и скóрбный пóдвига и́ноческаго, несый́ ярéм пусты́ннаго жити́я, затво́ра и молча́ния, многоно́щнаго бде́ния, и та́ко, благода́тию Бóжиею восходя́ от си́лы в си́лу, от дея́ния к боговидéнию, пресели́лся еси́ во Оби́тели Го́рняя, иде́же со А́нгелы поéши Бо́гу: Аллилу́иа.

И́кос 4

Слы́шаще и ви́дяще свято́е жити́е твоё, преподо́бне óтче Серафíме, вся́ бра́тия тво́я удивля́хуся тебé и, приходя́ще к тебé, поуча́хуся о словесéх твои́х и пóдвизех, сла́вяще Го́спода, дивнаго во святýх Свои́х. И мы́ вси́ с véрою и любóвию восхваля́ем тя, преподо́бне óтче, и вопи́ем ти́ сýще:

Рáдуйся, всего́ себé в жéртву Го́сподеви принесый́; рáдуйся, на высотú безстра́стия возше́дый.

Рáдуйся, во́ине Христóв добропобéдный; рáдуйся, Небéснаго Домовлады́ки ра́бе благый и вérный.

Рáдуйся, предста́телю о нас пред Го́сподем непосты́дный; рáдуйся, к Богороди́це моли́твенниче наш неусы́пный.

Рáдуйся, пречу́днаго благоухáния крíне пусты́нный; рáдуйся, благода́ти Бóжия сосúде непорóчный.

Рáдуйся, преподо́бне Серафíме, Сарóвский чудотво́рче.

Конда́к 5

Божéственный свéт осия́ жили́ще твоё, преподо́бне, егда́ боля́щу ти́ и на одрэ смéртнем лежа́щу, Самá Пречи́стая Дéва, прише́дши к тебé со святýми апóстолы Петро́м и Иоáнном, рече́: «Сей́ е́сть от ро́да на́шего», и главé твоёй косну́ся. А́бие же исцелéв, воспéл

есї благодарне Гóсподеви: Аллилуїа.

Їкос 5

Вїдя враг рóда человéча чїстое и святóе житїé твоé, преподóбне Серафїме, восхотé погубїти тя: наведé бо на тя люди злы́, їже беззакóнно истязáху тя и éле жїва сýща остáвиша; ты́ же, óтче святýй, я́ко áгнец крóток, вся претерпéл есї, за обїдящих тя Гóсподеви моля́ся. Тéмже мы́ всї, таковóму твоeмý незлóбию дивя́щеся, вопиéм ти́:

Рáдуйся, в крóтости и смире́нии твоeм Христý Бóгу подража́вый; рáдуйся, незлóбием твои́м дýха злóбы победї́вый.

Рáдуйся, чистоты́ душе́вныя и телéсныя хранїтелю усéрдный; рáдуйся, пусты́нниче, дара́ми благодáтными преиспóлненный.

Рáдуйся, подви́жниче богопросла́вленный и прозорлї́вый; рáдуйся, наста́вниче мона́хов предї́вный и богомýдрый.

Рáдуйся, Святýя Цéркве похвалó и рáдование; рáдуйся, обїтели Сарóвскія сла́во и удобре́ние.

Рáдуйся, преподóбне Серафїме, Сарóвскїй чудотвóрче.

Конда́к 6

Проповéдует пусты́ня Сарóвская пóдвиги и труды́ тво́я, богонóсне угóдниче Христóв: де́бри бо и лесá ея́ моли́твою облагоухáл есї, проро́ку Бóжию Или́й и Крестїтелю Госпóдню Иоáнну подража́я, и явїлся есї пусты́ни прозябе́ние многоплóдное дара́ми Дýха Святáго, Егóже дéйствиeм мно́гая и пресла́вная совершїл есї, подви́зая вéрных воспева́ти благїх Подáтелю Бóгу: Аллилуїа.

Їкос 6

Возсия́ в тебé нóвый боговї́дец, Моисéю подóбный, Серафїме блаже́нне: непорóчно бо служéние олтарю́ Госпóдню соверша́я, сподóбился есї зрéти Христá, во хра́ме со Безплóтными Сїлами грядúща. Семý Бóжию о тебé благоволе́нию дивя́щеся, воспева́ем ти́ сїце:

Рáдуйся, боговѣдче преслáвный; рáдуйся, Свѣтом Трисия́нным озарѣ́нный.

Рáдуйся, Пресвяты́я Тро́ицы служите́лю вѣ́рный; рáдуйся, Ду́ха Свята́го жили́ще украше́нное.

Рáдуйся, Христа́ со А́нгелы телѣ́сныма очѣ́ма лицезрѣ́вый; рáдуйся, в брѣ́ннем телеси́ райскую сла́дость предвкуси́вый.

Рáдуйся, Хлѣ́бом Жѣ́зни насыще́нный; рáдуйся, пити́ем безсмер́тия напоѣ́нный.

Рáдуйся, преподо́бне Серафѣ́ме, Саро́вский чудотво́рче.

Конда́к 7

Хотя́ Человеколю́бец Госпо́дь яви́ти в тебѣ́, преподо́бне, Своѣ́ неизрече́нное к лю́дем милосѣ́рдие, показá тя́ я́ко вои́стину свети́ло богосвѣ́тное: де́лы бо и словеси́ твои́ми всѣ́х приводи́л еси́ ко благоче́стию и любви́ Божией. Тѣ́мже сия́нием по́двигов твои́х просвеще́ни и хлѣ́бом уче́ния твоего́ насыще́ни, тебѣ́ усѣ́рдно велича́ем и просла́вльшему тя́ Христу́ вопи́ем: Аллилу́иа.

И́кос 7

Но́ваго ви́дяще ты́ избра́нника Божия́, издале́ча притека́ху к тебѣ́ вѣ́рнии в ско́рбех и болѣ́знях; и си́х, беда́ми отягче́нных, не отри́нул еси́, источа́я целѣ́ния, да́руя утеше́ние, предста́тельствую в моли́твах. Тѣ́мже исхожда́ше во всю́ зѣ́млю Росси́йскую веща́ние чуде́с твои́х, и си́це ты́ сла́вляху духо́вная ча́да твоя́:

Рáдуйся, па́стырю на́ш до́брый; рáдуйся, о́тче ми́лостивый и кро́ткий.

Рáдуйся, врачу́ на́ш ско́рый и благода́тный; рáдуйся, немо́щей на́ших целите́лю милосѣ́рдый.

Рáдуйся, в беда́х и обстоя́ниих помо́щниче ско́рый; рáдуйся, ду́ш смяте́нных умири́телю пресла́достный.

Рáдуйся, гряду́щая́ я́ко настоя́щая прови́девый; рáдуйся, прегреше́ний сокро́венных обли́чителю прозорли́вый.

Рáдуйся, преподо́бне Серафѣ́ме, Саро́вский чудотво́рче.

Конда́к 8

Стра́нное чу́до ви́дим на тебѣ, преподо́бне: я́ко ста́рец сѣй немощный и притру́дный, ты́сящу днѣй и ты́сящу но́щій на ка́мени в моли́тве пребыва́л еси́. Ктѣ дово́лен изреши́ болѣзни и борѣния тво́я, блаже́нне о́тче, я́же претерпе́л еси́, возде́я преподо́бнеи ру́це твоѣ к Бо́гу, Амали́ка мы́сленнаго побежда́я и Го́сподеви по́я: Аллилу́иа.

И́кос 8

Ве́сь еси́ желáние, ве́сь сла́дость, Сладча́йший Иисусе! — та́ко в моли́твах взыва́л еси́, о́тче, в пусты́ннем безмо́лвии твоём. Мы́ же, суето́ю помраче́ннии и во гресѣх всё жити́е иждѣ́вшии, восхваля́юще любо́вь твою́ ко Го́споду, си́це вопие́м ти́:

Ра́дуйся, любя́щим и чту́щим тя ходáтаю спасѣ́ния; ра́дуйся, приводя́й грѣшников ко исправле́нию.

Ра́дуйся, молча́льниче и затво́рниче предѣ́вный; ра́дуйся, моли́твенниче о нас усѣ́рдный.

Ра́дуйся, пла́менную любо́вь ко Го́споду показáвый; ра́дуйся, огне́м моли́твы стрѣ́лы вра́жия попáливый.

Ра́дуйся, свещѣ́ неугасѣ́мая, моли́твою в пусты́ни пламене́ющая; ра́дуйся, свети́льниче, горя́й и светя́й дарова́нии духо́вными.

Ра́дуйся, преподо́бне Серафѣ́ме, Сара́вский чудотво́рче.

Конда́к 9

Всѣ естество́ а́нгельское удиви́ся стра́нному зрѣ́нию: ста́рцу бо, сущу́ в затво́ре, Небесе́ и земли́ Цари́ца яви́ся, повелева́ющи, да откры́ет затво́р сво́й и да не возбранѣ́тъ лю́дем правосла́вным вни́ти к себѣ, но да все́х пѣти научи́т Христу́ Бо́гу: Аллилу́иа.

И́кос 9

Вети́и многовещáннии не возмо́гут изреши́ крѣ́пость любве́ твое́я, блаже́нне: преда́л бо еси́ себѣ на служѣ́ние все́м приходя́щим к тебѣ, повеле́ние Богома́тере исполня́я, и бы́л еси́ недоумева́-

ющим советник благий, унывающим утешитель, заблуждающихся краткое вразумление, болящих врач и целитель. Сего ради вопиём ти:

Радуйся, от мира в пустыню вселившийся, да добродетели приобращаши; радуйся, из пустыни во обитель возвратившийся, во еже добродетели семена сеяти.

Радуйся, Духа Святаго благодатию осиянный; радуйся, кротости и смирения исполненный.

Радуйся, притекавшим к тебе отец чадолюбивый; радуйся, в словесех любве ободрение и утешение им подававший.

Радуйся, приходящая к тебе радостью и сокровищем именовавший; радуйся, за любовь твою святую радостей Небеснаго Царствия сподобившийся.

Радуйся, преподобне Серафиме, Саровский чудотворче.

Кондак 10

Спасительнаго твоего подвига, преподобне, достиг скончания, на молитве коленопреклоненно святую душу твою в руке Божии предал еси, юже Ангели святии вознесоша Горю ко Престолу Вседержителя, да со всеми святыми предстоиши во славе невечерней, воспевая песнь хвалебную святых Святейшему Слову: Аллилуиа.

Икос 10

Стена всем святым и иноком отрада, Пресвятая Дева пред кончиною твою явися ти, провозвестивши близкое твое к Богу отшествие. Мы же, дивящиеся таковому посещению Богоматере, вопиём ти:

Радуйся, Небеси и земли Царицу лицезревший; радуйся, явлением Божия Матере обрадованный.

Радуйся, весть от Нея ко преселению Небесному приемы; радуйся, праведною кончиною святость жития твоего показавый.

Радуйся, в молитве пред иконою Богоматере умиленный дух твой Богу предавший; радуйся, неболезненным исходом проречё-

ния твоя исполнимый.

Радуйся, венцем безсмертия от руки Вседержителя увенчанный; радуйся, блаженство райское со всеми святыми, унаследовавший.

Радуйся, преподобне Серафиме, Саровский чудотворче.

Кондак 11

Пение непрестанное Пресвятей Троице вознося, преподобне, всем житием твоим подвижник великий благочестия явился еси, заблуждшим на вразумление, болящим душею и телом на исцеление. Мы же, благодарни сущи Господеви за такую милость Его к нам, ныне зовем Ему: Аллилуиа.

Икос 11

Светоподательный светильник быв в житии, богоблаженне отче, и по смерти твоей возсиял еси яко светозарное светило Российския земли: источаеши бо от честных мощей твоих токи чудес всем, с верою и любовью к тебе притекающим. Темже мы, яко молитвеннику о нас теплomu и чудотворцу, вопием ти:

Радуйся, множеством чудес от Господа прославленный; радуйся, любовью твоею всему миру возсиявший.

Радуйся, любве Христовы верный последователю; радуйся, утешение всем требующим твоей помощи.

Радуйся, источниче чудес неоскудеваемый; радуйся, болящих и недужных исцелителю.

Радуйся, воды многоцелébныя кладязю неисчерпаемый; радуйся, яко вся концы земли наша любовь твоею объял еси.

Радуйся, преподобне Серафиме, Саровский чудотворче.

Кондак 12

Благодать и велие твое дерзновение пред Богом ведуще, тебе, преподобне отче, молимся: молись тепле ко Господу, да хранит Церковь Свою Святую от неверия и раскола, от бед и напастей, да поем тобою благодéющему нам Богу: Аллилуиа.

Їкос 12

Поюще твоё прославление, ублажаем тя, преподобне, яко многомощна молитвенника о нас пред Господом, утешителя и заступника, и с любовью возглашаем ти сице:

Радуйся, Церкви Православных похвало; радуйся, Отечеству нашему щит и ограждение.

Радуйся, путеводителю, всех к Небесі направляя; радуйся, защитниче наш и покровителю.

Радуйся, силою Божиею многая чудеса содеявый; радуйся, ризою твоёю многия недужныя исцеливый.

Радуйся, вся козни диавольския победивый; радуйся, звери дивия кротостию твоёю покоривый.

Радуйся, преподобне Серафиме, Саровский чудотворче.

Кондак 13

Опредивный угодниче и великий чудотворче, преподобне отче Серафиме, приими малое сие моление наше, в похвалу тебе возносимое, и, предстоя ныне Престолу Царя царствующих, Господа нашего Иисуса Христа, молися о всех нас, да обрящем милосердие Его в День Судный, в радости поюще Ему: Аллилуиа.

(Этот кондак читается трижды)

Їкос 1

Ангелов Творец избра ты изначала, да прославиши житием твоим пречудное имя Святыя Троицы: явился бо еси воистинну ангел на земли и во плоти серафим; яко луч пресветлый Вечнаго Солнца Правды, просветися житие твоё. Мы же, зряще прехвальныя труды твоя, с благоговением и радостью глаголем ти сицевая:

Радуйся, правило веры и благочестия; радуйся, образу кротости и смирения.

Радуйся, преславное верных величание; радуйся, претихое скорбным утешение.

Радуйся, прелюбимое иноков похваление; радуйся, живущим в мире предивное поможение.

Рáдуйся, Россiйскiя держáвы слáво и ограждéние; рáдуйся, тамбóвскiя страны́ свящénное украшéние.

Рáдуйся, преподóбне Серафíме, Сарóвскiй чудотвóрче.

Кондáк 1

Избрáнный чудотвóрче и предíвный угóднице Христóв, скóрый помóщнице и молíтвеннице нáш, преподóбне óтче Серафíме! Величáюще прослáвльшаго тя Гóспода, воспеváем тi похвáльная. Ты́ же, я́ко имéяй вéлие дерзновéние ко Гóсподу, от вся́ких нáс бéd свободi, зовúщих:

Рáдуйся, преподóбне Серафíме, Сарóвскiй чудотвóрче.

Моли́тва пéрвая

О пречúдный óтче Серафíме, вели́кий Сарóвскiй чудотвóрче, всём прибега́ющим к тебé скоропослу́шный помóщнице! Во днi земна́го житiя́ твоегó никто́же от тебé тощ и неутéшен оты́де, но всём в слáдость бы́сть видéние ли́ка твоегó и благоувéтливый глас словéс твои́х. К сiм же и дáр исцелéний, дáр прозрéния, дáр немощнýх дýш врачевáния обiлен в тебé явiся. Егда́ же призвá тя Бóг от земнýх трудóв к небéсному упокоéнию, николи́же любóвь твоя́ престá от нáс, и невозмóжно ёсть исчiслити чудесá твоя́, умнóжившаяся, я́ко звёзды небéсныя: сé бо по всём концём земли́ нáшея лю́дем Бóжиим явля́ешия и дáруеши iм исцелéния. Тём же и мы́ вопиём тi: о претiхий и крóткий угóднице Бóжий, дерзновénный к Немý молíтвеннице, николи́же призывáющия тя отревáяй! Вознесi о нáс благомóщную твою́ молíтву ко Гóсподу сiл, да укрепiт Держáву нáшу, дáрует нáм вся благопотрéбная в жiзни сéй и вся к душéвному спасéнию полéзная, да оградiт нáс от падéний грехóвных и iстинному покая́нию да научiт нáс, во ё́же безпреткновénно внiти нáм в вéчное Небéсное Цáрство, идéже ты́ ны́не в незаходiмей сия́еши слáве, и та́мо воспеváти со все́ми святы́ми Живоначáльную Трóицу во вéки веко́в. Ами́нь.

МОЛІТВА ВТОРА́Я

О вели́кий уго́днице Бо́жий, преподо́бне и богонóсне óтче на́ш Серафíме! При́зри от го́рния сла́вы на на́с смире́нных и немощ-
ных, обремене́нных грехми́ мно́гими, твоея́ по́мощи и утеше́ния
прося́щих. Прини́кни к на́м благосе́рдием твои́м и помози́ на́м за-
поведи Господни непоро́чно сохра́нати, ве́ру правосла́вную кре́п-
ко содержа́ти, пока́ние во гресе́х на́ших усер́дно Бо́гу приноси́ти,
во благоче́стии христиа́нством благода́тно преуспева́ти и досто́йны
бы́ти твоего́ о на́с моли́твеннаго к Бо́гу предста́тельства. Ёй, свя́т-
че Бо́жий, услы́ши на́с моля́щихся тебе́ с ве́рою и любóвию и не
пре́зри на́с, тре́бующих твоего́ заступле́ния: ны́не и в ча́с кончи́ны
на́шея помози́ на́м и заступи́ на́с моли́твами твои́ми от зло́бных
навéтов диáвольских, да не облада́ет на́ми те́х си́ла, но да сподо́-
бимся по́мощию твое́ю насле́довати блаже́нство оби́тели ра́йския.
На тя́ бо упова́ние на́ше ны́не возлага́ем, óтче благосе́рдый: бу́ди
на́м вои́стину ко спасе́нию путево́ждь и приведи́ на́с к невече́р-
нему све́ту жи́зни ве́чныя богопри́ятным предста́тельством твои́м
у Престо́ла Пресвяты́я Тро́ицы, да сла́вим и поём со все́ми святы́-
ми достопокланя́емое и́мя Отца́ и Сы́на и Свята́го Ду́ха во ве́ки ве-
ко́в. Ами́нь.

ТРОПАРЬ НА ПРЕСТАВЛЕНИЕ, ГЛАС 4:

От юности Христа возлюбил еси, блаженне,/ и Тому Единому работати пламенно вожделев,/ непрестанною молитвою и трудом в пустыни подвижался еси,/ умиленным же сердцем любовь Христову стяжав,/ избранник возлюблен Божия Матере явился еси./ Сего ради вопием ти:// спасай нас молитвами твоими, Серафиме, преподобне отче наш.

ИН ТРОПАРЬ НА ПРОСЛАВЛЕНИЕ, ГЛАС 4:

От юности Христа возлюбил еси, преподобне,/ и Тому Единому поработати пламенно вожделев еси,/ в пустынном житии твоём непрестанною молитвою и трудом подвижался еси,/ умиленным сердцем любовь Христову стяжав,/ Небесным Серафимом в песнословии споборниче,/ в любви притекающим к тебе Христу подражателю,/ темже избранник возлюблен Божия Матере явился еси,/ сего ради вопием ти:/ спасай нас молитвами твоими, радости наша,/ тёплый пред Богом заступниче,// Серафиме блаженне.

КОНДАК, ГЛАС 2:

Мира красоту и яже в нём тленная оставив, преподобне,/ в Саровскую обитель вселился еси,/ и тамо ангельски пожив,/ многим путь был еси ко спасению,/ сего ради и Христос тебе, отче Серафиме, прослави/ и даром исцелений и чудес обогати./ Темже вопием ти:// радуйся, Серафиме, преподобне отче наш.

ВЕЛИЧАНИЕ

Ублажаем тя, преподобне отче наш Серафиме, и чтим святую память твою, наставниче монахов, и собеседниче Ангелов.